

第一百二十八冊

卷二百四十六

列女傳八

新纂雲南通志

盧

漢題

參





新纂雲南通志

卷之二十一

列傳

新纂雲南通志

盧慎



新纂雲南通志卷二百四十六

列女傳八

臨安府三

清三

楊宸駒妻饒氏石屏人年二十五夫卒孤亦殤撫姪爲嗣姪卒率媳養翁姑及翁卒承翁志捐置膏火田宗祀田州牧給額旌之

蘇宗儒妻楊氏石屏人年二十五夫卒子旋殤撫姪爲嗣守節五十二年

饒氏女石屏人幼許字蕭小二蕭出外二十餘年絕無音耗父母欲改字女知之泣曰從一者女子之義兒已許字蕭義不可更願終待之父母亦不忍奪其志年六十餘仍以處子終焉

嚴發科妻戴氏石屏人年二十八夫卒家貧翁姑繼歿竭力殯葬撫二子成立守節六十四年

劉文華妻唐氏石屏人年二十六夫卒撫二子成立長承勳娶楊氏次奕庸娶后氏及二子卒楊年二十八后年二十三亦撫子守節如姑

黃浦妻王氏石屏人年二十六夫卒撫子守節五十三年

喻道統妻廖氏石屏人年二十五夫卒養翁撫子守節四十七年

李程鳳妻蘇氏石屏人夫屬續時以子女託之氏含泣受命時年二十五矢志撫子女婚嫁守節五十年

周家箐妻蕭氏石屏人夫客死於外氏年二十四家赤貧撫子女成立守節四十一年

戴瑛妻楊氏石屏人年二十四夫卒撫子娶丁氏子卒偕媳撫孫娶高氏孫又卒高遺腹生子同守節焉

唐榮妻余氏石屏人年十九夫卒善事翁姑養葬盡禮撫子成立子亦卒守節三十三年

孫廷桷妻高氏石屏人年二十六夫卒事姑孝撫子成立守節三十六年

尹錫東妻陳氏石屏人年二十九夫卒撫子家貧就食外家父母老無子服勤二十餘年

許春霖妻李氏石屏人年三十二夫卒善事翁姑撫子成立守節三十七年

何錚妾賀氏石屏人夫任主事歿於京氏慟極自縊遇救免遺腹生

女與嫡陳氏扶櫬歸里家赤貧女紅生活有遣謀聘之者峻拒之嫡之姒戴氏與子卒遺一孫氏撫育之守節二十餘年

許錫齡妻鄭氏石屏人年年二十八夫卒孝事翁姑守節三十一年
聶景陽妻王氏石屏人年二十七夫卒善事翁姑撫三子成立守節

三十三年

劉平遠妻戴氏石屏人年二十六夫卒撫子守節三十四年

楊近洛妻蘇氏石屏人年二十五夫卒守節三十一年

舒亮宸妻陳氏石屏人年二十七夫卒養姑撫子守節三十二年

舒亮疇妻楊氏石屏人年二十五夫卒養姑撫子守節三十餘年

舒亮庸妻劉氏石屏人年二十八夫卒子女幼孝事翁姑姑患痰疾寢不帖席氏以身枕之目不承睫者累月姑卒氏以勞瘁哀毀亦卒

守節三十年

鄭國楨妻王氏石屏人年二十二夫卒孝事翁姑撫姪爲嗣守節三十二年

周德慎妻譚氏石屏人年二十八夫卒撫子守節二十五年

周煦妻史氏石屏人年二十九夫卒撫姪爲嗣娶婦胡氏生一子甫二歲子卒胡亦守節如姑有勸改適者氏曰姑老子幼於心安乎守節十八年卒史氏復撫孫成立

饒有嘉妻劉氏石屏人年二十四夫卒善事翁姑撫子成立守節三十餘年

王朝陽妻劉氏石屏人事翁姑孝翁得噎疾氏刲股救愈後翁姑歿夫亦繼卒氏年二十六守節三十年

董邦采妻舒氏石屏人年二十一夫卒孝事翁姑撫子成立守節三十年

段鈞展妻廖氏石屏人年十八夫卒事姑孝撫遺腹子成立守節三十年

后克濟妻郭氏石屏人年二十八夫卒善事翁姑撫子娶婦生孫子又卒復撫孫守節四十年

陳聯兆妻王氏石屏人年十八夫卒孝事翁姑撫子成立守節三十年

朱國華妻趙氏石屏人年二十一夫卒撫子成立守節三十六年

楊俞松妻何氏石屏人夫卒守節三十一年

王氏婢石屏人服役於元勳之父元勳生三月而母卒七月而父卒

婢乳哺之家貧以賣資餌供給饘粥少長令入塾讀書每歸飯必令其子侍立敬謹唯命後元勳舉於鄉乃令人挾持此婢使受拜後數年卒立碑以表其志

劉顯業妻王氏石屏人年二十七夫卒守節十八年而歿
王中和妻楊氏石屏人年三十六夫卒守節三十四年

趙侶雲妻伍氏阿迷人夫疾持刀欲割股姑覺而止之尋復割和羹以進夫終不愈事姑盡孝姑病亦如之教子成立守節三十餘年
吳道和妻蕭氏阿迷人年二十九夫卒孝事翁姑撫子成立守節三十三年

萬振南妻李氏阿迷人年二十三夫卒無子撫姪爲嗣

何履安妻萬氏阿迷人年二十夫卒孝事翁姑撫子成名守節三十

三年

伍銘妻程氏阿迷人年二十六夫卒孝事老姑訓子成名守節三十年

李映楷妻梁氏阿迷人年二十二夫卒孝事翁姑撫子成立守節三十七年

劉光璧妻徐氏阿迷人年二十六夫卒孝翁姑撫子成立守節二十六年

章良臣妻尙氏阿迷人年二十九夫卒孝事其姑撫子成立守節三十四年

李泰妻樊氏阿迷人翁卒於外傾匱助夫發櫬年二十六夫卒撫子成立守節四十六年

黃浩妻楊氏阿迷人年二十三夫卒孝事翁姑訓子成名守節三十六年

吳斯妻張氏阿迷人年二十八夫卒孝事翁姑訓子成名守節三十一年

曹興義妻李氏阿迷人年二十六夫卒孝事翁姑撫子成立守節十七年卒

王承祖妻趙氏寧州人性貞淑夫病甚醫藥不效割右股啖之不愈復焚香祈禱割左股以進病尋瘳

王不承妻李氏寧州人年二十二夫卒養翁姑撫子守節三十三年
顧士賢妻戴氏寧州人年三十夫卒撫子成立守節四十七年

彭天祐妻汪氏寧州人姑病篤割股救愈後媳朱氏亦割股救夫

汪來同妻李氏通海人來同以孝稱氏亦善事翁姑本無子會夫病篤氏割股救愈遂生子吉孫自修舉於鄉

台岡妻旃氏通海人孝事翁姑翁久病臥湯藥罔效夫祝天請代氏陰割股以進翁病遂愈姑又患足癱歲餘不能行氏日洗滌臭穢膿血未盡以舌舐之姑亦獲痊

張敬業妻陳氏通海人年二十六夫外出久無消息子甫歲餘翁姑皆老氏仰事俯育艱苦備嘗如是三十七年而歿歿後數載其夫始歸

趙希雲妻王氏通海人年二十五夫卒撫子成名守節五十餘年

蔣位廷妻劉氏通海人年二十四夫卒孝事翁姑撫子成名守節四

十五年

朱姓妻喬氏通海人年二十二夫卒撫子成立守節五十年

趙恩深妻楊氏通海人夫爲治大父喪買物乘舟父子溺死氏年二十四養姑撫子守節三十六年

楊自清妻馬氏通海人年二十六夫卒紡績撫子守節三十年

闕陳善妻孫氏通海人年二十五夫卒事祖姑翁姑以孝聞撫子成立守節三十五年

繆驊妻台氏通海人年十九于歸甫月餘夫往墨江貿易客死家貧姑老撫姪爲嗣守節五十年

汪國興妻董氏通海人年二十四夫卒撫子成立守節五十六年

姚濬妻岳氏通海人年二十四夫卒撫子及姪守節六十年

沈廷璵妻林氏通海人年二十四夫卒事姑撫子守節四十一年

趙文明妻羅氏通海人年二十七夫卒撫子成立守節四十三年

張正官妻鄭氏通海人年二十六夫卒撫子成立守節四十二年

錢趙高妻費氏通海人年十六夫卒養姑姑病割股救愈撫子成立
守節四十四年

張咸中妻艾氏通海人年二十四夫卒孝事翁姑撫姪爲嗣守節三
十六年

馬定國妻李氏通海人年二十五夫卒孝事翁姑撫育姪孫守節五
十三年

趙三餘妻張氏通海人年二十四夫卒撫子成立守節三十二年

查占鼇妻管氏通海人年二十四夫卒孝事翁姑撫子子卒率媳撫

孫守節三十九年

沈應丹妻董氏通海人翁病割股救愈夫卒年二十四孝事翁姑撫子成立守節四十八年

沈文淵妻張氏通海人年二十三夫卒孝事翁姑撫子成名守節三十三年

吳迎恩妻董氏通海人年二十九夫卒撫子成名守節四十二年

趙長庚妻吳氏通海人年二十九夫卒孝事翁姑撫育三子守節三十七年

張國材妻馬氏通海人年二十四夫卒養翁姑孝撫子成名守節三十一年

周達妻祁氏通海人年二十五夫卒撫二子成名守節五十四年

艾生儀妻台氏通海人年二十九夫卒家貧有欲奪其志者氏曰婦

人即無出亦當矢死守節況我現有子乎守節四十二年

許贊臣妻儲氏通海人父任江蘇儀徵令夫往就婚卒於署氏年二十二遺腹生子隨父歸里上事兩姑下撫孤子守節六十七年

沈仲妻周氏通海人年二十八夫卒撫子成名守節三十二年

趙永炆妻魏氏通海人年二十二夫卒孝事翁姑撫子成名守節五

十六年

孟綬妻公孫氏通海人年二十七夫卒孝事其姑撫子成名守節三

十一年

李逢春妻張氏河西人年二十三夫卒善事翁姑撫子成名守節四

十三年

向陽達妻趙氏河西人年二十三夫卒事姑孝撫子子卒復撫孫守

節三十年

向栝妻張氏河西人年二十八夫卒孝事翁姑撫子成立守節二十

六年

龔泓妻郭氏河西人年二十四夫卒孝事翁姑撫子成立守節三十

八年

向宗眉妻魏氏河西人年二十六夫卒事姑孝撫子成立守節三十

一年

楊春芳妻龔氏河西人年二十夫卒事太翁姑及翁姑孝撫子成立

子卒遺一女率媳撫之守節三十二年

常會章妻黃氏河西人年二十七夫卒事姑孝守節五十餘年

向宗岐妻楊氏河西人年二十六夫卒孝事孀姑撫子成名守節二